

Wenns langsam schdad wead

I hob mei Lem lang su vil gseng,
Hob so vill gscheide Leid erlebd.
Dei an san lengsd scho gschdorm,
Dei and auf nimme wiede seng vescholln.

Im Dorf san aus de Medle Weibe worn,
De Boum hom lang scho graue Hoar.
Des grouse Gschrei hod kaner mer,
Sie redn blous nu fromme Schbrich.

Im Kupf rumort ka Bledsinn mer
Und a sunsd wead me ruiger.
Heid bin i fro, wenn d Sunna scheind
und Fies no ned versong.

Vil hob i gseng!
Imme is wos gscheng!
Freiers woas a so
Und heid is halt a so!

Wennd Sunna scheind, gei i a bissla naus,
Schau, ob im Bach no Fischla san
Und bsouch di ledzdn Freind.
Am Omd kaf i mir manchmal a a Bier,
Dann schau nei ne Schaum und denk:
Su woar dei Lem -
Wos willsdn mer?